

*Bon zhoornii*

*Bon Jeu, noot Createur, mamaawi-niipahwiinaan aan preeyer aan avaan kiiya. Marsii itweyahk por kahkyuw lii bennidisyoon een miyuuyahk too lii zhoor.*

*La vie i-soon shayr, aen kenaweymihiyahk maakwach aen nipaayahk pi kihyaam iteyhihiyahk chi waanishkaayahk chi oochaypaahtamahk la bel zhoornii aan avan niyaanaan.*

*Itapweetamowuin miyuuyahk pi noot preeyer, aamaachweypayikik tehkay kiiya.*

*Por noot famii, noot zanfaan-inaan, ennikik ka shaakihaayakohk, noot boon saante-inaan, kahkyuw ka-waapahtamahk, ka-peyhiihtamahk, ka-mooshitayahk pi aen kashkihtayahk chi peyakooyahk avek kahkyuw alaan toor niiyanaan, Marsii itwenaan, Createur.*

*Aen humihili gaakwechikaymon chi miyuuyahk li bon Sante, por noot famii, noot zanfaan, pi ennikik ka shakihaaayakohk niikinahk-inaan.*

*Aen humihili gaakwechikaymon chi miyihyahk benedisyoon ooschi li Bon Jeu noot Createur por kahkyuw aen petayahk aen prezaan chi miyaayahk Sa Saintete*

*Createur kishkihnaamoowinaan. Li jhirecksyoon miyihnaan kahkyuw ka-ooshitayahk anoosh pi toul taan.*

*Kiyaam pimohteyahk li boon shmaen ooschi miyeu-atishik, li rispaay, shakihiihtowin, pi kishaywaatishiwin por li zoot aen nakishkawaayakohk ota diseu la tayr. Kiyaam li bon shmaen ga-pimohtenaan.*

*Ni-kakwechikaymon aan preeyer por li koraezh, kwayesh chi-iteyhihtamahk daan noot mimwayr pi noot cheur por li moo por kakihiihtwaam chi kihtotihthohk pi kakitwaam*

tapwetamowin chi peytakwahk, Kiyaaam toon shakihihwiin pi bennidisyoon ashtehk oma taanshi aen itootamahk pi taanshi ishi-piukishkweyahk.

Wiichihihnaan chi pekishkweyahk ooschi noot cheur pi wiichihinaan chi miyoopayik anoosh, Wiichihnaan chi kishkishiyahk awaana niyanaan au moond, noot culture, taande peyhihtootayahk, noot laang pi taanshi aen shi-wiikiyahk.

Ga booyoona kwechikaymowyaan shikaatawaachik li vyeu pi lii vyuu, noot zhenn, noot zanfaan, pi kahkyuw aviyek. Meena por ooma li glitz pi por kuya Sa sainte payr.

Por ennikik ka nootinikaychik, aamiihaan por la paay. Ennikik aen aakooshichik pi wiishakihtayshahchik, ashtaa ta maen chi kiikaychik.

Por la malajuu pimbupayik daan la tayr (Covid) Aayamiihaan por kiikaywin Bon Jeu

Ekooshi Bon Jeu Marsii